

INUIT AQQINIK AKUERSISARTUT

maajip pingajuanni 2010, nal. 14.00
ataatsimiinnerannit imaqarniliaq

Peqataapput: Carl Chr. Olsen, Sofie Petersen aamma Ellen J. Karlsen

Immikkut aggeqqusaq: Ane Marie Sakariassen, KIIIN.

Imaqarniliortoq: Nuka Møller

Oqaluuserisassat:


1. Tikilluaqqusineq

Siulittaasup immikkut AMS tikilluaqquaa. AMS aggersarneqarsimavoq aqqit pillugit inatsit pillugu eqqartuinissaq kissaatigigamiuk, isumaqarami pingaartoq suliat aamma naalakkersuisoqarfiup siunertai paaseqatigiilluni sulinikkut pissasut, siunissami uteqattaarinissat pinaveersaarniarlugit.

a. Aternut tunngasuni inatsit pillugu eqqartuineq

Maannamut IAA-p aqqit pillugit oqartussaaffii najoqqutassiaalu suunersut ilisimatitsissutigineqarput. Aqqit kalaallisuut Europamiullu aqqi kalaalinngorsagaasimasut IAA-p oqartussaaffigai, aqqilli danskisuut Qallunaat Nunaanni Familiestyrelsep oqartussaaffigalugit. Siusinnerusukku IAA-p inatsisitigut oqartusnaanera apeqquserneqartaraluarpoq, kisianni Namminersornerullutik Oqartussat IAA-p pilersinneqarnissaa aalajangersimavaat, tamannali sulii qallunaat navnelovianni malunniuteqarani. Ilisimatitsissutigineqarportaaq maanna Qallunaat Nunaanni Kirkeministeriap ataani specialkonsulent Thomas Feddersen, personregistreringimi sulisoq Nunatsinni aqqit pillugit suliaqarnermi attaveqaataalersimammat (e-mailia: THF@KM.DK).

Siulittaasoq isumaqarpoq pas-itaarnermi navneattestiliornermilu periutsit paasisimalerneqartariaqartut, namminerlu paasisani naapertorlugu tamanna Naalagaaffiup Sinniisoqarfiata (Rigsombudet) aamma isumaqatigaa.



2. Kingullermik ataatsimiinnerni imaqarniliat akuerineqarneri

Imaqarniliat 21.12.09 aamma 05.02.10 ullulerneqarsimasut ullui paarlangammata taakku naqqeqquneqarput.

3. Atit akuereqqullugit qinnutigisat (Ilanngussat takukkit):

- a. Aligoq. Akuerineqarpoq.
- b. Asana + Asanannguaq. Akuerineqarput.
- c. Pivik. Akuerineqarpoq.
- d. Atananga. Akuerineqanngilaq.
- e. Maari-Kujuuta. Akuerineqanngilaq.
- f. Titsiaq. Akuerineqarpoq.


4. Taasariaqartut allat

Kingullermik ataatsimiinnerup kingorna e-mailikkut attaveqatigiinnikkut makku IAA-mi ilaasortanit isummerfigineqarput:

- a. Tikkii (Titken – Tikki) 23.02.10 qinnuteqartoq nalunaarfigineqarpoq akuerineqartoq aqqillu qallunaatummiit aallaveqartut akornanni nalunaarsukkanut ikkunneqartoq.
- b. Sialunnguaq. 26.03.10 qinnuteqartoq nalunaarfigineqarpoq akuerineqartoq (niviarsiaqqat nukappiaqqallu atiattut).
- c. Nivianna. 12.04. qinnuteqartoq nalunaarfigineqarpoq akuerineqanngitsoq (Nivi+Anna).

Akuerineqartut tamarmik nittartakkami akuerisat akornannut nalunaarsuivimmut ikkunneqarput.

- d. Nittartagaq
Siulittaasup ilisimatitsissutigaa nittartagaq maanna nutarterneqartoq.
- e. Aqqit pillugit saaffiginnittartut amerlassusii



Allatsip ilisimatitsissutigaa kingullermilli ataatsimiittoqarmat (05.02.10) aqqit pillugit saaffiginnissutaasimasut katillutik 49-usut. Tassani aqqit isumaat pillugit paasiniaallutik saaffiginnittut 36-iusimapput, taakkunani 33-t akineqareerput sulilu misissorneqarallartut pingasuullutik (Ukkana, Qattu aamma Atsuko). Akuereqqullugit qinnuteqaatit arfineq pingasuupput. Aqqup (kinguliap) allanneqarnissaanut paasiniaaneq ataaseq, kalaallilu kinguliaat qanoq ittuunersut pillugit paasiniaaneq ataaseq.

5. Tulliani ataatsimiinnissaq Sap. ak. 24-anni pissasoq aalajangerneqarpoq.

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Suliassanik isumaginnittoq